



Inatsisartunut ilaasortaq Evelyn Frederiksen, (Siumut)

**Atuarfimmi ikorfartortiliilluni/kaammattortiliilluni aaqqissuussineq pillugu § 37
nr. 233-2013 naapertorlugu apeqqutigineqartunut akissutit**

04-12-2013
Sags nr. 2013-092600
Dok. nr. 1410932

Asasara Evelyn Frederiksen,

Atuarfimmi ikorfartortiliilluni/kaammattortiliilluni aaqqissuussineq pillugu
apeqqutigisannut qujanaq.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Apeqqutigaatit:

1. Meeqqaat atuarfiani misileraatitut ikorfartorti/kaammattorti (skolefe) ingerlanneqartoq qanoq ullumikkumut sunniuteqarpa?
2. Kiisalu misileraanerup taassuma nunatsinni atuarfiit qassit periarfissaq atorpaat?
3. Misileraanerup ingerlaannarnissaa naalakkersuisut pilersaarutigaat?

Meerarpassuit ilaqtariinni ajornartorsiutilinni inuusut ajornartorsiutitik kisimiillutik atugarisarpaat. Meeqqat taamatut atugaqartut inersimasumik tapersersortigisinnaasaminnik isumassortigisinnaasaminnillu pisariaqartitsisinnaasarpur. Atuarfimmi ikorfartortiliilluni/kaammattortiliilluni aaqqissuussinermi pingaarnerpaatinneqarpoq meeqqat tamatumingga immikkut pisariaqartitsisut tapersersorneqarnissaat aamma isumassorneqarnissaat. Tamakku saniatigut atuarfimmi sulisut tamarmik meeqqanut tunngatillugu ernumanartoqarpat iliuuseqartarnissaat siuarsarneqassaaq.

Aningaasanut inatsimmi konto 30.14.29-mi, Pinaveersaartitsineq, ukiuni sisamani atuarfimmi ikorfartortiliilluni/kaammattortiliilluni suliniummut ukiumut 1 mio. koruunit atugasannngortinneqarput. Ukiut sisamat ukiunut atuarfiusunut pingasunut naatsorsuussaapput, tassa ukiut atuarfiusut 2011/2012, 2012/2013 aamma 2013/2014, aningaasallu atugassannngortinneqartassapput kommunini sisamani atuarfiit atuarfimmi ikorfartortiliilluni/kaammattortiliilluni aaqqissuussinermut aningaasaliissutissanik qinnuteqaraangata. Atuarfimmi ikorfartortinut/kaammattortinut tamanut suliassanut neqeroorutinullu ukiumut amerlanerpaamik 30.000 koruunit missingersuutitut atugassannngortinneqassapput. Tamakku saniatigut atuarfimmi ikorfartorti/kaammattorti ilinniartitsisutut nalunaaquttap akunneranut aningaasarsialittut aningaasarsiaqartinneqartassaaq. Atuarfimmi ikorfartortinut/kaammattortinut ukiumi atuarfiusumi sapaatit akunneranni ikinnerpaamik nalunaaquttap akunneri marluk suliffiusarput, tamakkulu saniatigut atuarfimmi atuartut amerlasusiat apeqqutaasarluni.

Kiisalu aningaasaliissutigineqartut 2014-imi upernaakkut atuarfimmi ikorfartuisartut/kaammattuisartut naliliivigineqarnerannut aningaasartuutinut atorneqassapput. Namminersorlutik Oqartussat naliliisuussapput atuarfinnullu ikortartortinik/kaammattortinik aaqqissuussinermik atuisunut tamanut naliliilluni nalunaarusiortoqassalluni.

Taakkunanngaanniit inerniliinerit ataatsimoortumik nalunaarusiamut katersorneqassaput. Tassa imaappoq, atuarfimmi ikorfartortiliilluni/kaammattortiliilluni aaqjissuussiner-mik allakkatigut inerniliinernik sulii peqartoqanngilaq.

Ukiumut atuarfiusumut 2012-2013-imut aningaasaliissutit atuarfinnut 19-inut tunniunne-qarput, katillugit 405.000 koruunit sulissutigineqartunut 752.651 koruunillu atuarfimmi ikorfartortit/kaammattortit aningaasarsiaannut atugassanngortinneqarlutik. Kingornatigut aningaasaliissutit uppersaaseqquneqarmata atuarfiit arlallit akissuteqarput aningaa-sat atorqeersimanngitsut. Tamanna atuarfiit assigiinngitsunik peqquteqarnerarpaat. Ilaat akissuteqarput atuarfimmi ikorfartortertik/kaammattortertik illoqarfimmut alla-mut nuussimasoq aamma atuarfimmi ikorfartortimik/kaammattortimik nassaanniarneq ajornakusoortoq, taamaalilluni atuarfimmi ikorfartortimik/kaammattortimik atorfinitsitsiso-qarsimanani allanilluunniit pissuteqartoqarluni. Atuarfiit ilaasa nalunaarutigaaq nalunaa-quttap akunnerinut taama ikitsigisunut taamalu annikitsigisunik nalunaaquttap akunner-musialimmut piginnaanilimmik atuarfimmi ikorfartortimik/kaammattortimik sulisussarsi-niarneq sulisorinniinnarniarnerlu ajornartoq. Taaneqareersutulli sulii aaqjissuussinerup nalilerneqarneranik peqartoqanngilaq.

Ukiumut atuarfiusumut 2013-14-imut Ilaqutariinnermut Inatsisinillu Atortitsiner-mut Naal-lackersuisoqarfiup taamaallaat qinnuteqaatit sisamat tiguai, katillugit sulissutigineqartu-nut 70.000 koruuninik aningaasarsianullu 593.060,02 koruuninik aningaasaliisoqarluni. Taamaattoqarpoq naak ulloq 12. juni 2013-imi kommunit atuarfinnillu ingerlatsiveqar-finnut tamanut aaqjissuussiner-mut qinnuteqarsinnaaneq nalunaarutigineqaraluartoq.

Naalackersuisut atuarfimmi ikorfartorteqarnermik/kaammattorteqarnermik aaqjissuussi-nerup ingerlatseqqinnissaannut 2014-imi aaqjissuussinerup nalilivigineqarneranik in-erniliinerit apeqqutaassapput.

Inussiarnersumik inuulluaqqusillunga
Med venlig hilsen

Martha Lund Olsen